

玉茗堂全集

玉茗堂全集

臨川義仍湯顯祖著

尺牘

謝懷玉壘相公

閣下會昌啓運大錄凝祥虹玉早見於天而克
岐克嶢星壘代明於地而有馮有翼殷禮配天
平格有陳伊陟周常載日忠貞若曰君牙帝乃

尺牘

二卷

一

瞻於在西儼三垣之上相衆所居而共北况百
里之微郎擬附鳳而卷阿之車馬何多欲登龍
而積水之風雲自少至如某者匡中朽埴蝨外
寒流高挾天庭已識淵雲之秀低廻世路彌沾
蜀日之華山木歌其不知澧蘭思而未敢三年
待罪爾庭乎亦食之慙一念好賢王室世袞衣
之敬在受受而莫畏庶斷斷以如容

慰留書三首

閨門下意空悲之風去以君夫人棄音凡在末
屬禮切整恰況天開服如某者乎第念誠沉發
隕月星之履運難恒而若昭微明平日之泰華
長豫惟曲副樞衡之望少調琴瑟之悲保重玉
躬登延珠掌

復劉郡伯

主茗堂尺牘

愿以郡乘下詢意三十年中人物皆在耳目之
前鄉賢官以類人何得依鄉作傳名宦人以類
官未審以言而名大可忘言細復何述若兵食
雜志祇取各縣規條浹夕而成又無需立局也

寄章仲明侍御

大疏見示得經世大略且不激不隨使人心服
昔人云懷德爲忠未有反見罪者也山城阨塞

無緣一望帝城爲悵至於世寄可與悠然悠然
之心差可寄世

寄李心齋祠部

病中枉君子過育直是傾蓋如故朝情好疑而
門下乃得容與江漢間泰山毫末惜世所擬大
智開閉利用安身耳易乾之四或躍或之者疑
之也君子及疑之時可以淵脩不疑則遄而麗

天耳

寄李宗誠

獄中出豐城之劍晦益冲天如見羅真是奇男
子便有此奇幸人生精神不欺爲生息之本功
名卽真猶是夢影況僞者乎兄與兌陽居必有
啓發堅疑之益恨遠莫爲助耳

答余山齋

僕二十年來去池陽觀明公瀟灑溫藉自足西
八平昌擁萬家爲長合峯激谷大類五松風詭
近勝琴歌餘暇戲叟遊童時來笑語當其得意
不知陳真長未得爲三公也

寄吳世行

楚公子射蛟雲山之陽其氣甚壯彼中人復有
此風烈否且兄恢偉豁如之性士風其宜丈夫

涉世亦貴善行其意俗吏不足爲也

答李舜若觀察

弟時念仁兄如在祠署中夜語時也歸養疏初
以孝爲忠今以忠爲孝皆臣子佳事此時家居
惟以葆神讀書觀朝家典故爲第一義幸無悠
悠度此時日斗大平昌一以清淨理之去其害
爲者而已士民惟恐弟一旦遷去害馬者又怪

弟三年不遷昔人性之所不通歸之命命之所
不通歸之性性命通則出入以度而無礙恨復
未臻茲境耳

答劉中允

得手教知益凝慎以重視輕靜視躁如涼中人
視熱境也倭事遂少信臣可怪可懼禁庭頗牧
爲竟如何若倭遂有朝鮮亦似元吳在西天必

不使北胡有人以輕中國

寄江陵張幼君

庚辰公子一再顧我長安邸中報謁不過今雖
隔遠念此何能不悵然也辛卯中冬與令兄握
手雷陽風趣殊苦輒見貴人言之況也永嘆近
得差一上相國墓否役便附致問私惟冀公子
官然時翫長沙秋水篇代雍門琴可也

與來武選

世俗何知清吏之苦讀西遊詩太華瀛河飛動
几間念此勞歌非安歌也遂昌元八何得秣之
子之馬一嘯皇華遊者之欲居與昌者之欲遊
亦各一時之致也

與鍾惺

滿堂溪谷風松絃歌塔爾時忽忽有志對睡牛

山勦騎一覺驚聞劉顧二君子前後見推幾逢
其怒義政者不執乎得天下太平吾屬老下位
何恨

東丁庚陽

王中丞近以潮州事爲吳越人人口語然正大
之舉或非邪小能害暫須一畱彭蠡衣未知稅
駕何所朝家奕手似換而局勢未移使人善後

事宜吾鄉故不能及

與顏涇陽

都下遠上似漳蘭之謬公子山木之信王孫輩
移栝蒼無過司理之庭朱絲冰壺乎八心目天
下公事邇來大吏常竊而私之欲使神器不神
劣觀有制知龍德須深耳

與周雲淵長者

大道樸散而爲器矣門下心精方一自足成務
洛神封圖乃是渾儀曆書止是算法必欲極神
明之用亦須達虛無之氣也茲病未能倘以異
日

東吳拾之

兄來署中真是寒從一夜去春逐五更回也除
夕遣囚詩可辭和否除夜星灰氣燭天酹酹銷

候獄神前須歸拜劍遲三日濫見陽春又一年

東坡耀光

兄謂縱因親燈恐有得聞者良然兄肯放大光
明一破此無謂乎小詩并上遶無竺歌一省因
寂無燈火照圓月中宵徹斷天河鎖貫雲從教
滿幾星

邑有河清觀燈

奉朱監菴司空

尺牘

二卷

八

攝仕以來嘗謂近見兩大臣耳陸五臺先生奇
中有正李漸菴先生正中有奇二公者其用雖
非世所得盡然亦已用之矣獨門下以大臣清
重之德宣參政機而淹南甸若召伯之在邾南
溫國之在洛都猶未爲世一用也歸豐畱汴以
重蒼生豈勝縣切第覩三數年間陸公旣老李
公復搖正色端言亦何容易然二先生大臣之

節亦已著矣惟門下闕世已深名德素著有知
已者遠而正之去留之際自成典刑似不當過
持難進之節久南都而不悔也

答就無功

見門下登第爲世道喜又私計何地得此長令
已而休寧得之休有商賈而少士長其地者亦
如其地之氣而後可今以祝公長休寧不類近

見休人有知者稍稍稱述祝公清苦不甚爲怪
乃今知孔子曰齊一變至於魯真期月而可者
大性能融世而授之此禮樂文章之根也如僕
太常祠部所習而能皆陳迹礙真小文破理亦
不足爲明公道矣

與黃對直吏部

昔在南師闢門下風采凝映入粵從鬱孤臺見

贛州使君謬以清風之什挹以明月之光復知
晉安風謠并在黃家叔父矣不意彈琴猥承遺
罵民歌數治以至於今神君所傳法不可改奉
以無悔多幸在茲新舊相承情難自外惟更有
以督教加愛遺民

答陳公衡

溫州風土雖佳而少人士去省會遠文苦政深

心或不上閭移長洲如建路鼓也兩貴人家在
徑實必多君子不由也李元沖在錫無以殊人
久而一不害者平耳平者道之滋也良友分金以
言爲報

答徐檢吾光祿

得武林書知西顧猶重第迂廻何適而可溫州
土風僻秀吏隱正佳貴人爲求急不可得乃知

宏鉅者雖衝必翹瑣冗者在僻留落大勢如斯
耳前臺舉刺疏劣以逐臣在薦中疏遂不下諸
薦者猶可不下刺者乃可不下耶倘及春朝庶
嗣良時於江上

答潘完樸太參

昔賢下直先同名德夫買骨可以致駿尅象可
以來龍精微之致也若夫非駿非龍而晉被物

色蘿蘿之人固已感深於神邁并切於風期矣
九日登高當從大夫之後也

寄達觀

情有者理必無理有者情必無真是一刀兩斷
語使我奉教以來神氣頓王諦視久之并理亦
無世界身器且奈之何以達觀而有癡人之疑
瘧鬼之因兄在區區大細都無別趣時念達師

不止夢中一見即突兀笠杖而來忽忽某子至
知在雲陽東西南北何必師在雲陽也邇來情
事達師應憐我白太傅蘇長公與是爲情使耳
寄社胤臺

吾兄美才不偶於時而弟亦淪落同籍中憂仁
野者多逝川無論矣東封未就世必需才東山
豈宜堅臥遙望泰宗董巢雄之才氣王洪陽之

德音皆示易人也有書達來爲道思存不淺

寄伯念父

念父過龍津不一至平昌自是念父高雅亦就
試亟耶舉世好新文依舊案如耀先吉甫諸兄
何時與郡邑作一文字知已乎念父通才健有
秋新力戰爲快幸甚努策

又

殊慢念父知不我訝也九日後弟歸而兄歸弟
此而兄此矣今不可久作場不可數入晉道宜
秋亦惟自玉

答馮永安

天之生才多少遠亦有以置之第才少官之易
而安兄才多官之難而危東吳不已徙而南溟
努力士非短長坎坷無奇非數遷不能所在有

迹君家教通豈不遇主豈非曠材而至嶺里悲
婦泣子兄猶能慷慨斷兒女色赴崖瘴縣差爲
過於敬通耳雜如慾雉幸好馴之

答魯樂同司理

丈夫壯天幸灑雪功名自遠宜及此時下氣書
傳當心名理萬無聽小言以基酒道安乃消日
也韶石定有曲江先生祠當日遊之

寄李舜若侍御

大疏雖不得詳大指可知昨楚陽書來終不致
私謝以附叔向不謝祁奚之義兄不啻引去但
坐看時人手面何如古人云才須學也俗學虛
談吾輩收其實用同年如章念清其清可念也
云於鄉人未盡得其意鄉人亦非意所得盡也

答吳四明

明公下車僕以辟邑長不敢上援然卽東丁右
武云吳四司不當以時勢人相目右武答書亦
云因此公爲過雷海上畢春汛去不謂明公所
以獎借不汝如來書已甚此自明公風厲旁屬
至意然非平與所敢承前爲郎所言事天下似
皆以其言爲可然時有出位之譏雷陽歸得憇
此縣在新中鼓解解瘠僕又不善爲政因百姓

所欲去留時爲陳說天柱大義言姓又皆以
可賦成而訟希值上官一時賢者苦無多求
前某觀察言重客傳食屬邑至僕治僮僕受詞
日卽與冠帶立空堂上所受詞不二三紙如此
者再客亦賴寔去至今五日一視事此外唯與
諸生講德問字而已四明山海人物巨麗加以
吳公治行當爲天下第一所恨無緣展謁惟有

來冬上計門下時以太守入爲九卿故人相見
罄此昭言焉

答王伯臯

足下手筆善鉅而時目苦小如之何遂昌斗大
縣賦寡民稀故學舍倉庾城垣等作俱廢非生
稍脩治殆不成縣去年稍取贖新之工訖而止
每月受詞者再今歲訟裁五十餘而三食故人

長者雖至何以待王先生諸君有以諒我矣

寄馬心易比部

兄出縣爲郎能再堅否弟素不習爲吏喜遂昌
無事弟之懷雲窩也時念故人宦轉梅花水際
達人所至皆爲彼岸兄於世相萬無過嗔

答沈司空

一尉雷驅再題電白徘徊真人之迹矣移官大

宵禮當禮間頌以下位授上中庸所戒遂使空
宵起居之禮不著其無長短之效可知矣更辱
命序示以寄興玩以再三窺其一二託以垂諸
大明復欲引以宵熠奉尊謙之有屬敢蓄懿而
無文

答王子肇

來朝言禁兵士過徒阻我良晤彼暮夜者亦

何能禁也風雪邸中白晝誰臥正需爲佳直是
有許聽鐘鼓鳴簪都不似十年前長安同少婦
時五更驚夢也

復孫侯趙仲一

讀冊知極苦心度越偷吏百一第吾屬真人爲
世道出知多奇偉並屬尋常所望三秦豪傑故
當有萬世音

慰浙撫王公

小事送至於此私語在彼人公議在天下總之
堂下清衷粹衷賢佞所知今古不同人道遠天
道邇臺下歸直登東山而望之耳

與袁六休

出關數日作惡念與君家兄弟五六人相視而
笑恍若雲天一路待君不至知君已治吳吳如

何而治望洞觀相過應與深譚

與李宗誠

山公早遂山中真是寥廓冥冥衆讓前識但山中自有山中作用若空度許時處不如出矣知兄道念重敢言之第一推南禮再阻南刑養拙括蒼殊快執政不爲不知已也吏部郎比復少人吾鄉劉直洲差強人意耳

答王方麓先生

少讀先生著書漢宋名儒無以易此至於公方粹懿宦學士志皆人師也過陪都願一趣風塵文以禁詰朝而行遠矣老成人自有與洲瞻戀何怪

答習之

平昌令得意處別自有在苟借俸著書亦自不

惡耳

寄黃樓巖

不佞文學政事不敢望言公正倚門下爲子羽
乃公事亦不一幸臨邛在浚之旄何妹可予秋
欲一過大樓三十六龍湫非愛其湫愛其龍也
寄袁石清太史

褻散之姿天幸以金玉之遊牽拘黽勉忽自忘

其非神僊侶也亦恃王子聲在座交知零露條
離而去念之悵然在部一吏部郎相語以散局
見處謂可燕南趙北之間便回馬首不謂墨絲
金骨銷纏四年玉堂人頗記平昌令夜半雪中
回嚙否

寄吳汝則郡丞

兄之貳杭也卽真何日勞寧益復可知斗大縣

面壁數年求二三府不可得通公亦貴重物哉
三生打網似有人焉主之滿而待還又不能使
人不保爲逸大段漸中士民搗噪上不必任怨
休畱上不必任德直芻狗之可也謗山使者如
何地無一以寧將恐裂

時有曠使至

復項諫議徵賦書

僕以疎才閭局久不習爲吏而貴縣士民雅淳

司幸無事因欲如益公所以治齊後見貴倨家
武橫奸盜逞逞而有不治不止旣以治之矣而
前後見府主以上爭言縣某某家所負僕初不
爲意夫無恩禮風化人民使自輸急公上有不
忍後之意而張以法非令意也近察貴縣民負
者非盡窮極無所還多故大姓而落者恥去其
名畱所賣去田或反益收人田自實又有力者

好以名借人因以爲市坊中大姓單民又爲聽
而隱食焉至如大姓遠僻者無官無商固不知
有比僕亦不召比也僕以罪薄量移如世俗情
遷延觀望隨民自止自適亦可响沫以愚媚百
姓顧使監司郡長獨受急徵之名而令受德非
體也豪弱等皆王田而適與抗非法也頑且倨
焉而遂之非教也後必并徵貽難後人非義也

弁徵益以覺非惠也懼此五者因稍稍四出徵
集然所徵貢多者有所入則不必其人以來卽
來亦權然喻而遣之蓋民不知義以至於此至
於以貧爲解者則不可得言何也有田則有租
賣則言買者令得徵於其人可也父賣多子不
宜復聽其里言於官退焉可也今都不然而前
所云數弊者皆是安得不稍有以捕治之然終

以民氣雅淳不忍笞問以示衆而已至於足下
家稅所負歲至若干亦以門下方爲國侍從未
忍以租賦爲言知門下病起必有以處也而乃
可爲子孫法今并上門下數戶并貴宗若戚所
影占籍附上至朝家之事僕荒隔已久無所與
聞俟玉體平當以卮酒過從庶覺我以皇道廣
我以世資耳

上蔡觀察

出門下終無係遯之思某不勝徊佇當趨道左
致其區區而日乃中於寒雨綿連似瘡展轉牀
絮間夫以鸞鴻之迹方高而犬馬之病彌滯愛
而不見殊用自傷且門下官都方鎮倖授鉞矣
去然若累而某數年猥冗牽而不割雖大小器
殊而超客大遠此尤病六辟客所自怪自笑而

謠語成劇者也直指當已敦留淵慮周回可止
則止似亦吳人學柳下處也

答平昌孝廉

諸君貧而病令尹病而貧山水寥寥愛莫能助
方自恨絃歌淺韻諸君那得澹臺也

答楊日南離使

以冰雪之心行米鹽之地足矣來教云何

與帥公子從升從龍

謁上官不得意忽忽思歸輒思惟審或舟車中
念及半生遊跡論心慟世未嘗不一呼惟審也
惟審仙去里中誰與晤言浪迹遲歸殆亦以此
惟審古詩文必傳何須世人夸錄當爲去存之
紫釵記改本寄送惟審總帳前曼聲歌之知其
幽賞耳

寄荊州姜孟穎

不奉聞問音且七年矣勞思如何弟邑治在萬
山中士民雅厚既不習爲吏一意勸安之訟爲
希止憶不以丈仙令在宣城時左君典右禹金
何得君子山堂彷彿敬亭雲氣丈比復重聽乎
人言輒笑祇增其耳順爾往高節不附江陵干
今更是吳楚

寄王新盤觀察

見閩除喜極得將太夫人東征也長安書滿紙
塵情今更以塵封之閩士夫多永譽之誨敢以
返屬俗吏思與人爭利吾輩思與人爭義耳

與周叔夜

州縣官與人空書短味亦無得漫爾寄聲也道
體似盛而麤山海秋深氣候數易早涼真露

晝復避日人生忙處須閒第作縣何如直是閒
意多耳

與王悅之

王先生於東海之濱解襪乎見蜃樓陽燄當知
世間影都非堅實更進一機彼中有海差勝此
中多山主人何似閉門令尹十月早寒當隨鴈
而南雲鳥再北復是琵琶亭外時也

東長卿

第洗竹林寺以待足下竟成子虛羊溝蚡谷何
得遊赤水之珠吳人莫寒泉之子窮而問所之
第云王大司馬後屠緯真家宜客君以爲何如
奉祭酒戴愚齋先生

二十年不見吾師清眸之表想似何極大學瞻
依風期未遠美哉秋水眷我伊人藐此平昌不

致望真氣東來倘公子不忘故交臆焉移玉亦
空谷足音也

與李道甫

丈在北銀臺歸然南斗之司蜚鳥之言下而不
上從容觀世聊以待明如平昌老令尹葉落更
無還枝卽君子泰征亦未許以荼爲茹也引想
時爲一笑

答鄒大澤

讀大製文漢而詩魏必傳無疑主計有趙夢白
顯叔時足下三人那可復得時事正爾可知家
嚴不許不官加以帥郎仙去歸亦皃皃不如遊
寓官方時有語者近爲貴人憐引爲乞一判鴈
山不可卽得得時足下有意赤霞石門泉邪

答顧涇陽

從紅泉碧澗中得門下手書可謂真切之教僕
雖愚鄙奉以同旋無敢自外第年來多病心目
憤憤所幸高堂健飯稚子知書班斲之色吾伊
之聲差慰晨夕耳餘無足爲門下報者春水吳
雲徒深天際之想

報鬱儀宗侯

吳君誠有此書但算至勾股商除亦覺未盡今

其書盡以付金壇主人矣知星者不覆門下復不欲覆乎

與史玉池給諫

香蘭之清美孳之菴常有道心人宅之兌澤瀟
深乾時欲及觀生進退良已裕如青山著述自
日昶脩又知非膚涉所能窺流論所能干也門
下其亦有以振我道大爲容時清難俟善卷之

迹何堪久懷

與于中父比部

道體清勝近嘗戰勝而肥霍然病已南徐北固
間山川映發加以曲壇賓從之遊天機自暢比
之第兀然窮郭貧病幽憂情境何似近局莫黑
非烏而伍寧方起補鄒大澤光祿或亦微陽將
續耶

答魏見泉中丞

大教遠頒斷斷休休不忘細微感戢感戢部院
覆疏公論昭宣雖俞旨未行而辨疏終當簡在
大奏云一念爲皇上保安宗社之心甚於爲家
維係天下之心甚於爲身三晉河山與聞斯語
惟門下彌珍玉體以重金甌

答江登原中丞

門下文程立緯爲世津梁而況不佞愚教茲深
沐起復可忽拜德音慰藉優穆至木瓜之細無
忘瓊琚之報有倍下逮若斯上報如何苟不佞
食舊德而已餘飲微量而知足領其原數敢成
門下之清璧所倍償少助師中之營鯨波既息
鳳省惟期恒受福於王明尙加惠於世業私懷
曷任翹佇

復門人藍翰卿

不佞愚鄙歷落之士敲石林而無覩思相藻以
何言乃有空谷足音疑是真人天際今文士文
皆有大言小言俱來物鉛素於九流理筌玄於
二氏居然不朽而在諸生然且採拾虛浮過自
撝挹高山有客能通咫尺之書委土可師謬爲
函丈之敬初當之而汗聳既循之以心疑豈向

若者真有懷於望洋將巡方者偶留聲於牧馬
真龍何待假龍以生雲雨鉅蛇或負小蛇以示
神奇豈大雅之故然乃高明之作用知不佞者
懶散筆研之外洵寫絲竹之間獨有停雲之思
不絕臨風之興以君大有示我同人卽欲恃知
已獻千一之愚爲文人起百六之運其如空虛
無以相益尊光祇以流譴一字爲榮九頓而謝

寄湯霍林

前明公書謂時議聚訟何意至此弟初聞之憤
憤至廢寢食近今每三日內輒爲公喟然數聲
辭俊疑傑古今庸態弟更得此排盪激發揮斥
爲序匪惟弔屈兼以詛秦知有當於著作之庭
否也王觀生時來云冬當往候適南豐弟子諸
生朱爾玉璽以名家子懷書遠遊有觀上國就

名賢之志首願借輝門墻因附拙序薄幣侑呈
伏惟推分進朱生而教訓維持之卽弟拜榮多
矣論風曷任卷卷

又

屢承書問如敬亭山雲氣簫鼓時來清人眼耳
此時弟護兒章門王者未至當是九月開塲便
可登高望遠候紫氣西遊龍沙出聖人殆謂君

耶洪陽師是弟少年所瞻敬者既貴便自落莫
難後較與周旋前撫世局人不與報喪族子便
爾唁喙今撫王公下車卽謂法司罷縣曰張公
自有遺記誰敢睥睨當告者卽與筭六十旋定
矣此時妥然而但有一真夫人者全師于難中
與同出死公所絕憐雖爲立一子非後而公子
過約之猶更爲不平耳餘無足煩台慮也弟門

下必湏一來哭之朋友不過宿草而況大座師
最爲恩禮者乎一哭而任龍沙西山鶴鶴良亦
不惡朱爾玉以至頭陀進大官厨夥移之甚非
道心人安能晉施若此渠得大書求新入今已
大會後事勢未安不如求得大書值送漢學道
處只以舊名朱璽辯復得社而足矣鄒愚公未
有半面而以所聞爲傳以寄感勸良深奉覽弟

未敢當此也弟更當累積功行爲異日大筆裏
子臨風慨然

又

昨會中吾鄉一鄉云某公絕筆仍及宣城弟云
當是王者爲之鄉笑云近見尋常文序知兄與
宣厚也弟云人自有真品世自有公論寧以厚
私因爲別白往事及世之公顧亦未知絕筆

來也寒途臘節想應未便西行春和乃得候
江渚耳三兒改就禮經試欲得包儀文題旨
及它習禮者講義幸惟至神特愛新惡之至

又

驚承隆貺弟意定交而求亦極不欲以瑣瑣爲
大雅累但薄求厚應舉室槐汗然終夜思之不
敢不拜嘉者恃鮑子之知我耳蠱獄久羈白日

爲黑九華突兀意有所權第知柔知剛萬夫之
望恐才可以羣賢故迫爲應也門下人多不能
無生得失諸惟慎之讀南錄首索吾家兄弟徒
得宛陵別姓爲頓足起行久之四兒開先大收
耐第子員三兒開達復席大庇幸辱賢書知仁
兄當一莞爾也哀勞之後伏枕月餘稍起遣兒
北征當先設體天人師與開其覺路耳肺腑之

感非楮能罄視斯慈炤不盡

玉茗室全集

尺牘

二卷

三

玉茗堂全集

臨川義仍侯馬祖著

尺牘

答錢岳陽督學

門下天姥開其壇場日鑄生其鄧鄂自領洪都
之學出乎潛而見龍爰登壁水之臺起于飛而
振鷺可謂琴瑟絲竹登魯壁之清聲珪璧佩環

尺牘

三卷

一

下梅梁之古色邇乃星辰即位泰北斗嘆舌之
司江海池陽正南國股肱之郡起新知於物祖
簪舊德以人師若小兒開遠方當舞象之年敢
附雕龍之世而亦拂其總角引以譽髦雖豫章
之生七年材不材而出地得夫子之摘數何步
亦步以窺天夫豈聞其無人必小子之有造若
云幸哉有子愼愚父之無聊心底慙以弗諉意

攀援而靡及恃父子家人之愛愿公侯國士之
知三事爲期萬年以祝

壽漢陽張相公

吾師七旬伊始逢花甲之再開九日惟春乘不
德而長旺天人撫鸞歌於賀世弟子欣雀躍於
大年酌醴星馳望北垣之斗極焚香日祝在東
山之袞衣

答袁滄孺邑侯

門下起衆生所敬之天誕兩祖流傳之地現宰
官而說法蔭國士以流慈他以攝伏凡心自以
莊嚴勝事猶垂悲憫曲引衰頑喻以相分不可
不明性宗不可不了以何因緣之故得聞奇特
之言乃至小兒聞遠都歸大德含弘容快覩於
天人許受參於童子豈童真之有位壽長者之

無邊昔在達老舟中得英本如座下刊垂九帶
如標指月之輪辨示兩見若誘聚沙之塔逮逢
明府愈闢昏衢在平等以常然亦多生而幸直
獻珞何日抽珠此年

答鄧遠遊侍御

慢門下甚第尊酒疎燈上下今管差不惡耳而
良書美韻溫溫其來至於商發流品歸於才情

雅爲要論昔人云楚夏殊風俱動於魂蘭茝異
臭竝感於魄固無容夸長以詘短愛素而却丹
要於沒世可選而已不佞於此技非有師承偶
從少作條兮齒至而復引爲在茲歸於作者一
言爲智或不其然至如遠遊乃以殊致之韻方
將之力浸淫義根憑凌物象成言成書有足度
越萬此者若家文潔侍郎表清言於澹臺之後

函史待詔發蠹書於明德之旁方於時賢當亦
互爲巧拙耳承問大計事觀察李公爲不佞瑣
瑣畱此長物不佞便從闕下西歸而更撫入丑
計時人局置已定得竟陵一知爲足耳材如竟
陵正自不免邑犬羣吠吠所怪也牽率成韻相
遲登高爲作九辨耳

答駱台晉督學

尺牘

三卷

四

憶明公起文章於玉署典禮樂於金陵而不佞
前以執玉下陳駿奔於斯後以飛鳧上計廻翔
其處感程本之傾蓋酌周瑾之醇醴懷舊則山
陵之色依然知新而鍾鼎之器有在帝眷西顧
作我人師大江以西莫不歸此陶運如彼鐘懸
識神物於衝天發千將莫耶之氣辨靈根於出
地擢維梓豫章之材至如不佞久爲棄士少不

如人頻辱下遺之音益深中食之嘆汝穎名士
固不及於貴人孔李通家對或申於童子蓋將
養其毛澤下以寬趨鯉之私積彼膚雲上以竟
從龍之想是故觀其所感庶幾情見乎詞

與張自雲

門下風神謦欬自是館閣中人而秦錄中數不
見者何耶才最難得得之宜并歸一路爲世道

用或有才而分用之以小遲大與望之

與曹尊生廷尉

長安對門下夜坐如姑射僊人令人宵然忘世
不謂世人乃更不忘門下也范南宮遂爲秋栢
之實人事何常萬祈自愛

答王雲泉侍御

喜門下以西方美人再操南國之紀至讀大疏

春容而盡百姓之情抗壯而開九重之議雖隔
千里何殊面談知幾幾舊京猶有興型在也

與黃貞甫

惠茗真鄣越之清英也恨不得相對燒玉版牙
添其風味耳王相如願一披雲霧幸以半面借
之

答鄒爾瞻

李元冲過此云門下滿腹人材無措手處弟云
治世人多於事否則事多於人世際竟未知何
如也

與魏見泉公子道冲

不佞行能委薄南都奉常時辱先中丞公盱衡
雅注謂可同塵微言漸深餘歡每淡或忘昕夕
數倚涼暑內徵言別長安一見遂遠音微開府

太原兩承溫藉面語張丞知遂昌成成之計業
從闕下棄官何乃更入辛計忘與富事者一言
懊惜久之嗟夫顯重之惻及於疵賤此其感激
何必真起死灰之然而手傳枯鱗之翼哉我公
如在猶可爲言而今已矣爲善之嘆終廢之悲
其在茲矣去春于田先生人來言及公病且食
貧甚有交謫之苦至勤公子長安舉債以歡二

人忠孝油然而可爲流涕公逝當效南洲故事祭
酒遙赴而出山苦難宿草生芻寄吊於同人而
已猶記公前定師賈君曲承咨度後晤朝房談
及賈君榮落欣悲宛然賈君有知事知已於九
原耳公旣全忠死孝公子大孝移忠願時加溢
米以復公族之後

答孫侯居

兄以二夢破夢夢竟得破耶兒女之夢難除尼
父所以拜嘉魚大人所以占維熊也更爲兄向
南海大士祝之曲譜諸刻其論良快久玩之要
非大了者莊子云彼鳥知禮意此亦安知曲意
哉其辨各曲落韻處麤易了周伯琦作中原
韻而伯琦於伯輝致遠中無詞名沈伯時指樂
府迷而伯時於花菴玉林間非詞手詞之爲詞

九調四聲而已哉且所引腔證不云未知出何
調犯何調則云又一體又一體彼所引曲未滿
十然已如是復何能縱觀而定其字句音韻耶
弟在此自謂知曲意者筆懶韻落時時有之正
不妨拘折天下人喫子兄達者能信此乎何時
握兄手聽海潮音如雷破山碧然而笑也

答郭明龍

兄爲諸生時有以自立同異爲大臣而當更聽
人耳語耶世病兄輕發大端要亦獨行其是無
所逃於天地之間命也上有疾雷下有崩湍卽
不此去畱能幾餘中孚未能感人幸自出險爲
需有慶門下昔過黃梁祠有詩枕中人曾當破
枕而去猶憶亥冬僊署笑言屬有期契向後再
計入都人地遂宵投棄幽虛時作故人夢想而

公才公望亦復以明夷出門庭矣江楚風遙湘
豎可接清流王相如負俊氣遊江湖間欲盡見
明公鉅人以廣其意惟兄進而教之

與曾金簡

山僧攜大序來宛轉蓮花眷屬白蓮乍生鬚葉
臺蓋一時俱生仁兄妙言初出悲智願行一時
俱出此際第五柳門中作陶令之攢眉何時與

盡

仁兄千蓮會上向遠公而薺腹第恐衡山白衣
山人不得終隱爲懶殘笑耳廻鴈有音遲佇無

寄李本寧

門下江漢炳靈爲世儒宗某水木之餘風雲之
末願一見無從也辛丑之計門下獨於銓部堂
中淵洞山立疊疊於不肖若恐其一日去國此

尺牘

三卷

十

所謂得一人知己爲已足也伊人一水那得一
羣航之感念恩私悵焉何極

答真寧趙仲一

初聞兄已憤懣爲神能殺讒者雖疑之而亦壯
之後稍知有永公之嘖言公豈爲債者哉喪欲
遠貧貧亦士之常前弟附貽哲書中勸兄無悔
道當加餐一意經世出世之事何得如來書不

平滿褚兄與弟俱有二尊人官根斷續何論但
勿斷命根爾

答山陰王遂東

自分衰棄已久無緣名字復通顯者不謂采幽
扶微極意提獎重以太夫人徽音之示佳狀琳
琅披文相質易以應命附名碑陰不朽良幸又
論因貧折腰待稍治生當歸讀書此誠言也某

少壯時卽妄意此道苦無師傳至博士爲郎南
都讀書稍暢又以流去嶺海幸得小縣乃更不
習爲吏去畱無所當棄宦一年便有速貧之嘆
斗水經營室人交謫意志不展所記書亦盡忘
忽偶有承應文字或不得已竭蹶成之氣色亦
復何如欲恣讀書治生誠急門下可謂通人但
讀書人治生終不可得饒世路良難吏道殊迫

相爲勉之

與岳石梁

石梁過我風雨黯然酒顏溫而易寒燭累明而
似暗二十餘年昆弟道義骨肉之愛半宵傾盡
明日送之郡西輦渡險而汜濟兩岸相看三顧
而別知九月當更盡龍沙之概見石梁如見石
終不能了我見石帆之願也

與丁長孺

弟傳奇多夢語那堪與兄醒眼人着目兄今知
命天下事知之而已命之而已弟今耳順天下
事耳之而已順之而已吾輩得白頭爲佳無須
過量長與饒山水盤阿寧言綽有餘思視今閉
門作閣部不得去不得言何如也

與黃貞父

二公卽署二年而仁兄戀湖頭不已臥竹浮梅
大是殢人尤物吳若哀辭附遶所云重品而略
富富何傷品計然陶公非無品者檻絕扇頭敢
附虞卿之後

答趙夢白

天下皆知明公爲龍可興雲雨終不敢援而用
之疑非人間物終不可近耳顧彼亦無雲雨天

下之心誠有之卽似龍如弟輩必且祈卜而致
之封固而迎之拜跪而候之庶幾以類得雨而
後送歸其處况如門下真龍者哉聞公隱於酒
酣暢高歌甚善承問索弟時義於仲文兄處不
知弟衰時時病苦不復畱意此道近日三尺童
子能之第其挾掠紱擾其細已甚亦如數年中
奏疏諄諫之流耳公子高才俊氣能爲文章領

爲其大者弟近號璽翁乾而不出無由更親清
光悠悠天水徒塵思存

謝鄒愚公

與明公無半面乃爲不佞弟作傳至勤論贊反
覆開辨曲折顧護若惟恐鄙薄之不傳而疵類
之不洗始而欣然繼之咽泣弟何脩而得此于
鴻鉅也漢人未有生而傳者唐有之次者種樹

傳最顯技微而義大韓柳二公因而張之爲世
著教第之閭人不如承福通物不如橐駝雅從
文行通人游終以孤介迂蹇違於大方稿朽待
盡而明公采菲集榛收爲苑藻百世珉璆豈在
今日

復費文孫

僕少於文章之道頗亦耳剽前識爲文字

驟弱冠乃倖一舉閉戶閱經史幾遍急未能有所就倖成進士不能絕去雜情理成前緒亦以既不獲在著作之庭小文不足爲也因遂拓落爲詩歌酬接或以自娛亦無取世脩名之意故王元美陳王叔同仕南都身爲敬美太常官屬不與選還敬美唱爲公宴詩未能仰答雖坐才短亦以意不在是也海內人士乃稍有好僕文

韻者或以他故相好或其智意未能遠絕因而
借聲何至如門下所許過其本情萬萬耶然至
士人談此道者欣然好之盛欲有所稟承嘗以
衰病捐去章門邂逅得如門下英姿遠意出乎
文字之外欲相斯夕顧無閒期昔先師甚矣其
養猶思斐然之士迂愚未敢托於斯義庶其謂
之耳

答馬心陽

南臯書來慰弟云茫茫海宇遂不能容一若士
倘若士此中又不能容一海宇卽便爲所弄矣
此語雖非其至差足豁人亦足轉奉兄破處爲
笑

答黃貞父

葉生來云丈訝弟邇來書詞淡淺覺有自外意

尺牘

三卷 十六

世有忍外吾貞父者乎從頭二十一史從何處
說起此時卽有深言兄亦不能爲弟聽判又不
知弟當深言否也弟之知遊臥起論心經有年
歲者四五人今皆開府而去獨郭希老能於吏
部堂上昌言留遂昌令魏見泉石楚陽逢人作
不平語李翼軒生未一面而爲弟高談人生何
必深也

復熊思誠督學

文備規矩準繩之大器蒞詩書禮樂之名區豈
不盛興而良書撫挹第云章程是咨知約而止
大約豈足斤斤於門下哉張弛在心鼓舞盡神
弟雖老猶能受人師陶鑄也

與于中父

兄在鞏門十餘日有諸君子用世者日相從弟

落穆林下人有語無緣請問也亦無庸請問也
自當得弟於蕭然眉目之外耳庚陽古人便已
三月家事有大難語者骨肉意氣之士亦何可
恃耶

與鄒南阜

兄說講學老人不宜走公門真法言也很底有
病老亦須發弟自賀長三到今未一面郡縣然

反得嗔待流俗酌中爲難薄賦并塵覽

答袁中郎銓部

巨源濟冲竝是竹林中人山公一嬰世業甄敘
才品故多啓事王公門調戶選而已總之因循
時變成其局段中郎今日固可兼致況乘通運
必無滯材弟於吏部交遊前後得二趙君然夢
白不能出第於久在平昌之時仲一不能白弟

於未復平昌之後世間惟意義之交多成虛幻
弟乃得蕭然山中十餘年二公亦以才大難用
不至作絕交書也時憶長安夜雪玉蟠子聲遂
爲故人思白拓落久無聞問時把中郎錦帆案
頭明月珠子的皪江靡此時小脩鴻征鴈行回
憶三珠樹曷盡怆怆

寄李鵬岳

吾兄敦歷清英物望民宗遑遑而著而高情逸
韻仍在衡泌常願遶烏鵲之枝從大鵬一息而
僕病未能我觀難嗣或者天造哲人起兄於樞
源紫帽間一過章門道乎第尚得披惠風飲甘
露於以已病除衰所願幸也

寄羅匡湖

已知道履彌暢居廣居行大道豈非人間大丈夫

夫耶令我此念時時大羅天際也高文妙語幸
寄少許以訂予頑兌陽兄令子孤甚惟仁者念
之

與門人許伯厚

不佞棄一官而速貧宜矣以足下強仕之年方
可馳揚京洛而亦時有幽憂之疾其有後時之
感耶榮進素定理宜順之無怨之難聖人所嘆

只以馬心陽仕至爲郎而飯常不足世道又復何言

答袁滄孺

門下炳江漢之英靈兼孔釋之道術弘才可以應物亮節可以明心時以大楚之風作我臨川之俗一事理以無礙故性相之自在某大人有造常披拂於雲行雨施而開遠小子無知首

甄拔於日省月試每色笑而弗怒矢大小以皆
從何期玉節出照金華方指皎日以成言徒仰
惠風而太息乃辱裁書彌深卷念喜靈椿彌福
飛壽欣馥桂克長克明慶集家禎美邦國步尙
祈抑西竺之高情竟東尼之素志庶幾酬六年
一日之知允矣繼四世五公之業

與門人賀知忍

四五年師弟子依依之情時恍然在目第風塵
路斷出山常難心銘舊德枉用相存每一興言
頽焉短氣使來千里轉見高情詢知履康同人
所慰至如不佞既不能留難助於山城又不敢
累諸賢於安邑之絕坎坳都無足道時有嘯歌
自遣耳便令使者遄視養沖兄積懷萬不及一

與但直生

遠遊吳越收江山之助縱聞見之益歸視白鹿
家山黃龍舊侶得無啞然璇璣滿囊幸摘一星
示我

寄梅禹金

半百之餘懷抱常惡每念少壯交情常在吾兄
平日之號夢見兄容渥丹於昔弟妹喜笑曰吾
輩惟持此好驗與世人打榷揖我而入曲巷後

有池前有堂予問高議臺安否旁一客云宣州
有同籍而問高君何也予笑而不答醒殊悵悵
戶外報鳳衡書來何其異也因書夢以寄

寄劉天虞

兄迂道半千而存弟於玉茗堂中爲四日夜之
談沉頓激昂歡楚俱極無從嗣音言之哽塞同
爲失路而兄才度超隔世需有時如弟迂愚其

亦已矣姜養沖兄更欲於度外拂拭而混沌未
鑿終可如何溫公要不爲不知我耳右武病豈
殊困仁兄得無喟然

與張伯昇

世兄不遠二千里而來清齋數信垂褒三鱗知
此門生只似無耳雙帛多矣哀愧橫集久刻燭
作中丞書旣爲揚善乃言去惡可矣時義最忌

者莽蒼爲大寥峭爲高令子九復雅負才名變化日新恃愛仍此卷卷也

與張異度

讀門下制義氣質爲體旣寫理以入微音采爲華復援情而極變雖未盡發淵海之藏亦已少窺風霞之色矣企佩彌懷靚止何日

答黃鳳衛

尺牘

別去懷思謂于旌久已河上而德音忽貽尙爾
敬亭文脊間仕如此其不急乎承遠索文誼難
固辭弟能爲文而必借尙書銜登軸士安可不
作尙書也

寄孫區吳憲伯

八閩有孤介之士曰沈君鈇者弟禮曹時教信
友也如鄢如衡耿耿自將時論過之而士論亦

嘗不心儀之擯落家居蕭然可念而遠聞有里
閭之疑涉於吏議乃至流落隱屏不能自釋凡
在風聽皆爲傷心以第料之世情自非晏平仲
誰能解驂而脫石父自非孔北海誰能飛文而
理彥章幸際吾兄英慨自命倘痛志士之坎壈
洞世路之欽嶮解其機絲縱其毛羽使沈生寬
然無屑銖胸檻之憂有巖棲川觀之樂豈止第

與沈生同其歡謠卽宇內慕義之士且將感惻
無窮千里詞心萬惟慈照

與李麟初太史

未能一觀展劍何如大雅久不作吾鄉尤甚窮
雖少見脉理而蚤衰無復登峯之興門下當成
此最勝子將老而爲客矣

答費學卿

讀擬試題精爽蘊藉非悠悠可造也恨自頽廢
無因一挹朝采春色所謂伊人空有成蹊之眷
耳

答黃右文

制義精熟至此卒遇之玉露金膏不知黃監元
武庫中物也尙未融妥處終有詞人意在長君
業已斐然次公三公殆是小謝更清越非火攻

者甚爲兄喜近日北人士如方之細如房如宋
之偉皆江右人所不及文字欲商者幸時相示

與李還素方伯

鄙念未嘗不在薇垣左右也每過章門數頗分
俸在兄之賜固出廉泉而弟之受亦甚慙讓水
誦老伯父手卷鹽被吟玩可謂明月孤映高霞
獨舉韻超超於玄釋義沉沉於忠義至於行草

常筆後而意先亦豐筋而蘊彩神僊中人有此
神物也聊贅數語用附千秋

與門人王觀生

霍林爲世疑至此門下宜選憫之古人懷一飯
不佞於天下士懷一言也

答陳如吉給諫

朝論固如沸聖明在上終是君子多小人少但

我輩不宜急以小人與人耳

答戴斐君

佇想風神真人天際山陰之棹遠興難乘因知
吾師大哥以再從子嗣二哥釋業三哥逾壯未
補青衿爲嗷咽嘆不能已已幸有三孫英茂
可學惟明公體而教焉以成達人之後不佞老
落衰殘度無報知遇之日隕涕而已

寄梅瓊宇

弟受知克生兄最早玉茗堂中有哭詩時見夢
言而已仁兄與弟生同年月日而宦遊較弟稍
遠多子殊秀弟以烏哀流落子多中才卯酉相
望奚啻千里吾兄容鬢何其得借西來庶爲心
惇

答陳子顯

尺牘

三卷

廿七

齊年兄弟闊落天涯緩急之情莫通海山之使
難遣惟是宛水儀刑于控鯉甌江想象於翔龍
梁岳雲霄徒懸夢寐忽承翰示綿連周至需有
餘情白頭相思宛如面命弟多病早衰而山人
適來寢丘之貽寔惟重惠朱澹老弟奉常堂尊
而鄭葵老爲弟知己皆良友故人致聲諸公于今
昔之感懷如之何

答鄒著存

青山雅操旣與華頂同清而泖水惡波將與吳
海比濶方喜梓里有人而良書重覩尉藉彌深
感何可言每讀楊公奏記發舒江漢之風鎮定
關河之氣而遠詢幽遠謙尊善下晤時并爲致
謝

與魏見五

尺牘

霍林宗兄每道長安篤誼仁父門士再稱汝上
華文讀癸春之報世路方仄獲登中原名俊殊
爲世慶而大越已借廡平矣鄞邑孫生鳳雛遠
讓已非凡響呂生鳴陞雅才自是利器葛生士
標方當象舞之年已負鵬搏之志所爲無小無
大欲從公于邁者也惟日進而教之無能適越
獨童甫以自文有意懷賢諸遙掖以爲托

與許仰亭吏部

太學趨風之後音徽邈綿南國多年山川映發
計吏部月旦高懸中間尚有臨川巖壑人否如
兄尙留南國則弟當以六朝餘興從君一笑石
頭城也

與汪二魯

二魯先生大器祖於彰嶽文采發於吳京紆其

雅念顧我孱兒春陽可以相煦歲寒可以相結
何以酬茲不負瓊瑤之贈也

與門人吳季倫

吾友文藻染翰鳳池何必減書生投筆耶漢人
以貲爲郎多爲名卿幸自努力

與高旭玄

六年不見高卿聞欲過我殊訝而久待不至豈

訪戴者偶興耶吳越道中春夏間可作麗人行
時亦憶汝水釣人乎

與李九我宗伯

從京師來者言丈蔬食敝衣或以丈爲貧或以
丈爲僞夫世人何足與言真僞也馬心陽作縣
食嘗不飽趙仲一爲銓部歸來幾爲索債人所
寃貧而仕仕遂不貧耶古人云匈奴未滅何以

家爲此時亦非吾輩作家時也惟丈有以自礪

答百楚陽

得兄遠書并悼死悲生三作宛轉淋漓使人潸
然建宇兄家貧落甚中原門戶亦是興替相陵
弟前托之章令求其郎君郎君竟不相見如何
鬚齒六十顏髮如許獨天弘材堅節尚老江黃
有心共憫江夏兄危苦安存天意良厚今始交

口譽之乎美成在久伏念良深特愛聊作局外
之語時方慎夏有懷不盡

與唐凝菴

楚臣云舍騏驥而不乘乃皇皇而更索以門下
名德幾幾召起東山竟成遠引知而不乘今昔
笑嘆張山人雲林大有俊氣幸進而與之語

與于中父

郎吏之推尚爾不下此中進退竟是如何弟惟
喜朝家有威鳳之臣郡邑無餓虎之吏吟咏昇
平每年添一卷詩足矣

與門人廖仕沂

昔儒之教小學生有數益足下清才而爲蒙士
授書一可熟讀正字一可檢容鍊心蒙卦六象
學記一篇切磋商究之有時行宦學之用寧當以

荏苒流落爲嘆二作大雅流音鏗爾明堂之瑟
也

答林若撫

不佞近衰胸縮腰荏自謚爾翁乾而不出忽承
門下鏘琅雅歌寔然來思起其再返抽其獨絲
頓使枯蟻蠕蠕遽遽如動如生有出飛牕戶間
作五色意加以長生名筆虬拏鸞峙攢爲世寶

天噓地吐五內爲承諸作精好流視自是廊廟
元英積感之餘尙齒嗣音

答黃九洛

寺中小飲得周爰四方之事揚屹千秋之業殊
暢仙舟遂南張焉寤嘆章門風雨夜玩大作皆
有靈氣點定以歸采艾時言有幽人之想

寄蘇軾源郡伯

畫下南州之榻夜宴滄臺之祠品隗名流誼深
古處矣羅山人鐫精於素脉委蛇多暇或有意
乎此也幸進而御之

候董廓庵司空

私論和國有才必以明公經二物之則冠三英
之衆何也某都憲柔而不中某司寇剛而亦正
仲山有舉端在仲舒鄖樞焦心數年徘徊南國

本朝於勞逸之際可謂適人獨念明公委蛇多
暇獻笑文尊雨花木末之間所侍舊祠郎安在
江山不殊人物可知矣

候王恒叔鴻臚

昨道天台遂踏龍湫雁背望禹穴以東朝陽而
西秀色殆爲大初仙人所盡謝鎮鉞而隱陪京
其意自遠人生何必多取方少聽琴人相如舊

恙當復平勝逞蹇不盡來連之思

答馮具區司成

第宦學之末閱世賢豪有矣皆立於是非之途
岐於內外之際至如明公循其自爾曰其固然
付彼是於兩行齊屈伸於一指可謂爲天之君
子矣數從明聖湖邊緬想長安邸下秉燭譙私
坐如隔世秋達師遠過示以大序是真實語達

觀猶時時捧喝初機作老樂家伎也